



Consello de Galiza

Buenos Aires, xaneiro 28 de 1958.-

Señor  
D. Lois Tobío Fernández  
Montevideo

Ben querido irmán e amigo:-

Como vostede terá noticia, dende un tempo a esta parte, veñen realizándose en París moi intensas aitividades políticas, cada vegada más estensas e representativas das forzas da emigración, políticas, sindicales e de outra índole, que aitúan pra derribar o réximen de Franco, con contaitos direitos coas que, no mesmo senso, traballan no interior da Península, animadas pola crisis, xa irremediablel, do réximen devandito en todolos órdens.-

O Consello de Galiza i-as entidades e persoas que o asesoran i-apoyan, rexistraramos con moita pesadume, que n-isas aitividades, reunións, acordos e resolucións públicas e segredas, non aparescía a presencia de Galicia con personalidade propia, nin referencia algunha os seus problemas, especialmente o fundamental da súa autodeterminación política.-

E á vista d-iste feito o Consello deuse a estudar o problema sobre da base d-unha ponencia que Don César Alvajar mandara o Primeiro Congreso da Emigración Galega, e de correspondencias privadas encol do tema, moi ben ourentadas, posteriormente. O Consello encarregoulle ó Conselleiro de Relacións, Ramón Suárez Picallo que, en forma reservada, iniciara as xestións pertinentes con Alvajar, e por outras vias, pra ver si podía atoparlle solución.-

O primeiro que se fixo foi un índice de puntos de ourentación política, a xeito de programa, dentro do que aituaría o noso representante. Despós de auscultar nos meios republicanos e democráticos de París -gobierno republicano no exilio, gobiernos autónomos vasco e catalán, e organizacións políticas e sindicales- como sería acollida a representación de Galicia. E, por de rraideiro, escoller a persoa que a desempeñaría, xa que Alvajar, dende o primeiro intre manifestou que non-a aceitaria, propoñéndoneos varios nomes de galegos que, a seu xuicio, podían e debían desempeñala.-

O que chamaremos "programa de aición" do representante -verticalmente galeguista- foi aceitada integralmente e ainda ampliada moi axeitadamente por Alvajar, pois él, reitificando vellos puntos de vista políticos, está agora á nosa veira compartindo incondicionalmente os nosos puntos de vista i-as nosas ideias. Informounos eisí mesmo que nos meios republicanos, oficiales e privados de París, a representación galega tería favo-

//



# Consello de Galiza

-2-

//rabel acollida con toda cras de colaboracións. A tal punto que, áinda denantes de nós mandarlle as credenciais, puido xa intervir nalguns asuntos. Dispóns de insistir en non querer aceitar o cargo, i-ofrecendo a súa más incondicional colabouración, logramos que o aceitara e o Consello nomeouno oficialmente o 18 de Nadal derradeira.-

César Alvajar ostentará en París unha doble representación. Ante o goberno Republicano en exilio i-os gobiernos autónomos vascos e catalans, en representación do Consello de Galiza; e ante os partidos políticos e organizacións sindicales hespñolas, vascas e catalans, en representación das Irmandades Galegas na América, como entidade política e patriótica integrada por galegos de diversos matices, todos de siño democrático, republicán e galeguista.-

O Consello, tendo en conta a laboura constante de vostede a prol da causa que sostemos a sua significación política, espiritual e intelectual, e o apoio que nos prestou e nos presta sempre, coido-u doador darlle conta do aituado niste interesante asunto, en intres en que se agardan importantes acontecimentos, nos que Galicia non debe estar ausente.-

De todolos xeitos, agardamos con moito interes a sua valiosa opinión encol do tema, e aproveitamos a ocasión pra lle reiterar a nosa más cordial e fraterna estimanza,

Ramón Suárez Picallo  
Conselleiro de Relaciones

Antón Alonso Ríos  
Segredario do  
Consello de Galiza

Elpidio Villaverde  
Conselleiro